



UNIVERSITÄTS-
BIBLIOTHEK
PADERBORN

Universitätsbibliothek Paderborn

Quotidiana Christiani Militis Tessera

Stanyhurst, Guillaume

Coloniæ Agrippinæ, 1710

9. Dies Januarii. Gratiâ, non solùm ut facienda noverimus, sed ut cognita faciamus.

urn:nbn:de:hbz:466:1-45477

non voluntas Dei torqueatur ad tuam. Prava est enim tua, regula est ista. Stet regula, & quod pravum est corrigatur ad regulam.

Frustrâ conatur, cui non Deus auxiliatur.

9. DIES JANUARI.

Gratiâ agitur, non solùm ut facienda noverimus, sed ut cognita faciamus. *August. de grat. Christ. c. 12.*

Post velle I. **H**ic demùm est Christianæ perfectionis apex, humanæ felicitatis vertex, bonum quod facere.

vis quod potes, Velle, quod velis

Facere. Et hoc fateri debes, te gratiâ debere ut monet tessera. Audi, & quidvis aude: [a] *Deus qui operatur in vobis, & velle, & perficere. Qui operatur in te velle, est Bonitas; qui perficere, est Potentia. Quid dubitas perficere, ubi ut velis, Bonitas excitat; ut facias, Potentia adjuvat? Hinc jam duo emergunt, quæ toto Marte sibi repugnant. Alterum est Christi, alterum est Pauli. Sic Christus: [b] *Sine me nihil potestis facere. Sic Paulus: [c] *Omnia possunt in eo, qui me confortat. Ecce hic gemina abyssus: Nihil, Omnia. Nihil, quid minus? Omnia, quid majus? Nihil, quid inanius? Omnia, quid pleniùs? Nihil, quid profundius? Omnia, quid excelsius? Ecce gratiâ necessitatem, sine qua potes penitus nihil: ecce gratiâ potestatem, cum qua potes divinitus omnia. Ex hac utraque abyssus, emergunt duæ virtutes; quæ sunt perfectionis cardines; summa hinc Humi-***

B 3

litas,

[a] *Philip. 2. 13.* [b] *Joan. 15.* [c] *Philip. 4. 13.*

litas, indè Magnanimitas. Illa te ad infima demittet, quia nihil potes, hæc ad summa te attollet, quia omnia potes. Illa te monet ut timeas, hæc te movet ut audeas.

II. Si gratiæ auxilio potes omnia, quid finis earum ferri, cum per eam possis dominari in omnia? Si vis, potes corpus insolens domare: coercere perturbationes, cupiditates frangere, indicere male affectus æterna exilia, reseccare affectus, & necessitudines vitiosas. Quid dico? potes cum laureatis illi Christi Pancratiastis, prensare fortiter, & exhaurire hilariter crudelitatis impiæ totam barbariem, & lentè mori, ut sapiùs moriaris. Potes cum illis Anachoretis, & silvestrium rupium incolis, in angustis cavo, clam cunctis mortalibus, inedià corpus macerando, & carnem te vexantem vexando, in terris cælestem, in corpore Angelicam, inter homines divinam vitam vivere. Potes ut Apostolici illi Heroes te contemptu fortunarum reddere fortunatum, nihil habendo, nihil non habere, subicere tibi omnia te nulli. O prodigium gratiæ! hanc semiquassatam arundinem, hanc plumam, hanc bullam, hoc dicam somnium, hoc nihilum, in columnam ferream, & murum æreum firmantis, quibusvis hostium machinis fortiorem!

III. Quid nunc in mundo quæris, cum te quærat, qui est suprà mundum? Quid expetis in cælo, vel in terra, cum illum per gratiam possideas, qui in principio creavit cælum & terram? Quid hæres in contractis limitibus naturæ, jam evectus ad culmen gratiæ! Quid quæris præter Deum, qui invenisti gratiam apud Deum? Quomodò qui ascendisti ad

con-

confortium naturæ divinæ, atque adeò in Supremo rerum fastigio, inter omnia sublunaria emines præ omnibus, demittis te ad vilia, & humilia, ad muscas in aëre, ad scarabæos in fimeto, ad vermiculos in terra, ad talpas sub terra? Quis te undique stupor invaderet, & totum raperet, si vermiculum despicibilem, è putidi canis olido cadavere assumi videres, & afferri ad naturam supremi Angeli, ut qui antea reprobatus in tabe vermiculus, jam esset in cælo Angelorum primus? Major est tua metamorphosis & altior dignitas, dum è peccato assurgis ad gratiam. Tunc enim superas naturam omnem, non tantum creatam, sed quæ potest creari. Tota, cum toto suo bonorum apparatu natura, subdit se gratiæ, illique fascies submittit, omnis ejus pulchritudo, potentia, opulentia, sapientia, scientia. Attendite eruditi, & vos potissimum juris periti.

Gratia fit pluris, quàm tota scientia juris.

10. DIES JANUARI.

Si non esses operator, Deus non esset cooperator. *August. l. de lib. arbit.*

Necesse I. **A**D modum nihil juvabit te habere cum gratia cooperari. **A**D modum nihil juvabit te habere juvantem, quæ omnia possis, gratiam, si tantum donum, quantum inter naturæ dona nullum nec est, nec esse potest præstabilius, ut piger ille in Evangelio, (a) vel reponas in sudario, vel fodis in terram? Culpa non vacabis si gratia Dei in te fuerit vacua. Hic ergo totus tuus impendatur, &

B 4

intena-

(a) *Luc. 19. 20. Matth. 25. 16.*